

# Ժողովուրդ

4 փետրվարի երեքշաբթի 2025  
տպագրության ԺՂ տարի

11  
(3042)

Թ. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ԻՆՔՆԱՊԱՇՏՊԱՆՈՒԹՅԱՆ ՀԱՄԱՐ ԴԱՏԻ ԵՆ ՏԱԼԻՍ ՄԱՄՈՒԼԻՆ



Անցած 10 օրում ՀՀ բարձրաստիճան պաշտոնյաներ ու մի ԶՊ-ական պատգամավոր դատի են տվել «Ժողովուրդ» օրաթերթին ու շտապում են բացատրել, թե այլընտրանք չունեն, պիտի թիմի ներսում իրենց «ճիշտը ապացուցելու համար» դատական հայց ներկայացնեն:

Նախ, Երևանի քաղաքապետ Տիգրան Ավինյանը, փոխքաղաքապետ Արմեն Փամբուխչյանը դատական հայցեր են ներկայացրել «Ժողովուրդ» օրաթերթի դեմ, սակայն ծանուցումը դեռ չենք ստացել և չգիտենք՝ որ հրապարակումների համար:

Դատական հայց ներկայացնելու հրապարակային սպառնալիք է ներկայացրել նաև Աժ նախագահ Ալեն Սիմոնյանը նրա համար, որ նյութ էինք հրապարակել, թե ինչպես է նա բալթյան երկրների խորհրդարանականների հետ հանդիպման ժամանակ սուր քննադատել ՌԴ-ին, ինչը դարձել է մեր ու ՌԴ-ի հարաբերությունների սրման եւս մեկ առիթ: Անգամ լուրեր հրապարակվեցին, որ ՌԴ Դաշնության խորհրդի ղեկավար Վալենտինա Մատվիենկոն Ալեն Սիմոնյանի հակառուսական հայտարարություններից հետո հրաժարվում է Հայաստան գալուց ու Ալեն Սիմոնյանի հետ հանդիպելուց: Այս գործով նույնպես դեռ ծանուցում չենք ստացել:

Երեկ ստացանք Աժ ԶՊ խմբակցության անդամ Հայկ Սարգսյանի դատական հայցը, որը դատապարտված է պարտության ի սկզբանե, քանի որ անգամ հայցի մեջ Հայկ Սարգսյանն ու իր իրավաբանը խուսափել են օգտագործել «ԶՊ» կամ «Նիկոլ Փաշինյան» անունները:

Այսպիսով՝ Հայկ Սարգսյանը նյութը կտրել է կոնստեքստից եւ մի քանի նախադասություններ, կիսատ վերցրած, գրպարտություն է համարում: Օրինակ՝ հոդվածում գրված է, որ «Կուսակցության ներսից «Ժողովուրդ» օրաթերթին արտահոսք ապահովեցին այն մասին, որ Հայկ Սարգսյանը, որ երեք նիստի ժամանակ է՛ խոսում է անտառների ոչնչացման թեմայից, իրականում փայտանյութ ներկրողների հետ բիզնես հետաքրքրություններ է ձեռավորել»: Սակայն Հայկ Սարգսյանը հայցի մեջ նախադասության սկիզբը ջնջել է՝ հեռացնելով հետևյալ մասը՝ «Կուսակցության ներսից «Ժողովուրդ» օրաթերթին արտահոսք ապահովեցին այն մասին...»:

Մյուս նախադասությունը հոդվածի սկսվում է այսպես. «Հիշեցնենք, որ հունվարի 9-ի երեկոյան ԶՊ-ական պատգամավոր Հայկ Սարգսյանը դարձյալ ծառահատումների մասով սուր ելույթ է ունեցել ու մեղադրել մարզպետ Հայկ Ղալումյանին՝ Տավուշի անտառները ոչնչացնելու համար: Սա դարձել էր փոխադարձ վիրավորանքների ու քաջքշուկի պատճառ: ArmLur.am-ի տեղեկություններով՝ ԶՊ-ականներն անգամ իրար հարվածել էին հենց Նիկոլ Փաշինյանի ներկայությամբ, եւ վերջինս էլ թողել ու հեռացել էր»: Բայց Հայկ Սարգսյանը գրպարտություն է համարում այս նախադասության միայն մեջտեղի հատվածն այն դեպքում, երբ հստակ գրված է, որ սա հիշեցում է 4 օր առաջ հրապարակված մի հոդվածի մասին, որը որեւէ մեկը չի հերքել: Ի դեպ, պատգամավորը գրպարտություն չի համարում, որ Նիկոլ Փաշինյանը թողել է հեռացել է քաջքշուկի ժամանակ: **Շարունակությունը՝ ArmLur.am կայքում:**

Նախկին ԶՊ-ականներ Հովիկ Աղազարյանն ու Հակոբ Ասլանյանը պատրաստվում են «բումփ»: Այս օրերին ԶՊ-ից հեռացված, այժմ անկախ պատգամավորները նախապատրաստական թոհուրոհի մեջ են. պատրաստվում են փետրվարի 8-ին կայանալիք «Միացյալ ազգային սոցիալիստական» կուսակցության համագումարին, որը կայանալու է Երևանի «Արմենիա Մարիոթ» հյուրանոցում: Պատգամավորները, համագումարին ընդառաջ, հանդիպումներ են ունենում հանրային եւ քաղաքական դեմքերի հետ: «Ժողովուրդ» օրաթերթի տեղեկություններով՝ Ասլանյանն ու Աղազարյանը այդ օրը իշխանափոխության կոչերով են հանդես գալու: Մասնավորապես, Հովիկ Աղազարյանը հայտարարելու է, որ հաջորդ ընտրություններին, լինեն դրանք հերթական, թե արտահերթ, որեւէ դեպքում չպետք է թույլ տալ Նիկոլ Փաշինյանի վերադարձը: Աղազարյանն ու Ասլանյանը կհայտարարեն նաև ընտրություններին մասնակցելու իրենց պլանների մասին: Ի դեպ, «Ժողովուրդի» տեղեկություններով՝ տարբեր ժամանակներում ԶՊ-ից նեղացած ու կուսակցությունը լքած շատ անդամներ միացել են Հովիկ Աղազարյանի եւ Ասլանյանի նորաստեղծ կուսակցությանը, որոնց կոտենենք համագումարին:



Ինչպես հայտնի է, Կառավարությունը Հակակոռուպցիոն կոմիտեի նախագահ ընտրելու համար հայտարարել է հերթական մրցույթը: Թեկնածուների փաստաթղթերի ընդունման ժամկետը փետրվարի 6-ն է: Արդյունքում մնացել է 2 օր, ու որեւէ մեկը մինչ այս պահը չի ներկայացրել իր թեկնածությունը: Ասել է թե՛ ՀՀ-ում որեւէ մեկը ցանկություն չունի Հակակոռուպցիոն կոմիտեի նախագահ դառնալու: Նկատենք, որ Հակակոռուպցիոն կոմիտեի նախագահի ընտրության համար երկրորդ անգամ է անցկացվում մրցույթ, քանի որ առաջին մրցույթում միակ թեկնածու Ռաֆայել Երիցյանը չհաղթահարեց մրցույթի արդյունքները եւ չընտրվեց: Մրցույթը բավականին թե՛ սնցավ, անգամ հանձնաժողովի անդամները լարված խոսակցություններ ունեցան: Եվ ահա հերթական անգամ է մրցույթը հայտարարվել, ու մինչ այս պահը չկա թեկնածու: Փաստորեն, որեւէ մեկը չի ցանկանում լինել Հակակոռուպցիոն կոմիտեի նախագահ, քանի որ նախագահին (արդեն նախկին) մի գիշերվա մեջ SMS-ի արդյունքում ազատեցին պաշտոնից:



Թրամփի վարչակազմը հերթով փակում է ամերիկյան՝ միջազգային օգնություն հատկացնող առաջատար կառույցները: Երեկ հայտնի դարձավ, որ փակվում է ԱՄՆ Միջազգային զարգացման գործակալության (USAID) Վաշինգտոնի կենտրոնական գրասենյակը, որը հիմնականում պատասխանատու է այլ երկրներին օգնության համակարգման համար: Կազմակերպության աշխատակիցներին կտախիշերն անց էլ. փոստով ծանուցում են ուղարկել՝ աշխատանքի չներկայանալու վերաբերյալ: Ի դեպ, գրասենյակը փակելը Թրամփի եւ ամերիկացի միլիարդատեր Իլոն Մասկի համատեղ որոշումն է, որն արվել է պետական ծախսերի կրճատման համատեքստում: «Այդ կազմակերպությունը ղեկավարվում է արմատական խելագարների խմբի կողմից», - ավելի վաղ հայտարարել էր Դոնալդ Թրամփը: «Ժողովուրդ» օրաթերթը խոսքի ազատության պաշտպանության կոմիտեի նախագահ Աշոտ Մելիքյանից հետաքրքրվել է, թե ինչ ճակատագիր է սպասվում ԱՄՆ ԱԶԳ-ի հայաստանյան գրասենյակին եւ ծրագրերին, որոնք այս կազմակերպության աջակցությամբ են իրականացվում: «Տեղեկությունները շատ հակասական են, երբեմն որոշ հուսադրող հայտարարություններ են ստացվում, երբեմն էլ Թրամփի եւ Իլոն Մասկի հայտարարություններն ենք լսում, որ վճռական են տրամադրված՝ փակելու կազմակերպությունը: Ինչ վերաբերում է USAID-ի հայաստանյան գրասենյակին, ապա ես չեմ կարող իրենց փոխարեն որեւէ բան ասել, իրենք էլ մեկնաբանություն չեն տալիս: USAID-ի ծրագրերից օգտվող կազմակերպություններից մեկը խոսքի ազատության պաշտպանության կոմիտեն էր, դրամաշնորհ ունեինք, բայց հունվարի 25-ին մեզ internews Հայաստանից տեղեկացրին, որ սառեցվել է ծրագիրը 90 օրով, ոչ մի ծախս չի իրականացվելու՝ մինչեւ նոր իրահանգներ լինեն: Ապագայի համար որեւէ հստակ տեղեկություն չկա, անորոշ է՝ կշարունակվի՞ ծրագիրը, թե՛ ոչ: ԱՄՆ դատախազությունն իր եզրակացությունն է ուղարկել դատարան, որ այս որոշումը հակասում է օրենսդրությանը»:



Մանրամասները՝ ArmLur.am կայքում:

ՀԱՌՑԱԶՐՈՒՅՑ

ԻՆՉ Է ՊԱՏՐԱՍՏՎՈՒՄ ԱՆԵԼ Հ. ԱՂԱԶԱՐՅԱՆԻ ՍՏԵՂԾԱԾ ՈՒԺԸ

«Ժողովուրդ» օրաթերթը գրուցել է ԱԺ անկախ դասգամավոր Հովիկ Աղազարյանի հետ: «Ժողովուրդ» օրաթերթի հետ գրուցում դասգամավոր բացահայտումներ արեց ազնվահարույց հաղորդագրությունների, իր կողմից արտահայտելու և Փաշինյանի կայացրած միանձնյա որոշումների մասին:

-Պարոն Աղազարյան, այս պահին նոր կուսակցություն եք հիմնում եւ փետրվարի սկզբին նոր համագումար ունեք: Գիտե՞ք, որ համագումարը ցանկանում եք անցկացնել հանդիսավոր կերպով: Ովքեր են ներկա լինելու համագումարին, ովքեր են ընդունել հրավերը: Խոսքը, հիմնադիր անդամներից բացի, այլ քաղաքական ուժերի ներկայացուցիչներին հրավիրելու մասին է:

-Ոչ ոքի չենք հրավիրել: Ով էլ գա՛ սիրով կընդունենք, սակայն ոչ ոքի չենք հրավիրել: Նման պատասխանատու միջոցառումներ կազմակերպելու փորձ չունենք, իսկ հյուրերին հրավիրելը եւ դիմավորելը, պատշաճ կերպով միջոցառումն անցկացնելը պահանջում է շատ լուրջ աշխատանք, որը չենք հասցնի: Յետեւաբար, նախաձեռնող խմբի հանդիպման ժամանակ որոշել ենք, որ ոչ ոքի չենք հրավիրելու: Լրագրողներին ենք տեղեկացնելու, որ ով հետաքրքրված է՝ ամսի 8-ին՝ ժամը 10:00-ին, գա «Մարիոթ Արմենիա» հյուրանոց լուսաբանելու համար:

-Փաստորեն ոչ մի քաղաքական ուժի ներկայացուցիչ հրավիրված չէ, ոչ իշխանությունից, ոչ ընդդիմությունից:

-Ոչ ոչ ոքի չենք հրավիրել:

-Իսկ ունե՞ք կուսակցության ապագա անդամների ցանկ, ովքեր ցանկություն են հայտնել՝ ձեր կուսակցության մի մասը դառնալու: հայտնի դեմքեր, քաղաքական անցյալ ունեցող մարդիկ:

-Հանրության լայն շրջանակներին հայտնի ոչ մի դեմք չկա: Կան մարդիկ, որոնք այս պահին իրենց հասարակական սոցիալական վիճակին համապատասխան ակտիվություն ունեն, կան



օրենքով սահմանված քանակն ապահովող մարդիկ:

-Ինչի՞ց եք սկսելու, պարոն Աղազարյան, ո՞րն է ձեր առաջին գործողությունը: Օրինակ՝ հիմա մեծ պայքար է ընթանում տրանսպորտի թանկացման դեմ: Կուսակցությունը ի՞նչ է պատրաստվում անել, արդյոք դրա շո՞րջ եք սկսում ձեր պայքարը, թե՞ այլ ոլորտից:

-Քանի որ առիթը եղավ, նշեմ. տրանսպորտի հետ կապված պայքարելու բան չունենք: Ես կարծում եմ, եւ ժամանակին ասել եմ Տիգրան Ավինյանին, որ իր մշակած ծրագրերը ձախողվել են թե՛ տրանսպորտի, թե՛ աղբահանության հարցում անկախ նրանից, թե ինչ գին

կղնեն: Կար հաջող համակարգ, մասնավոր սեկտորն էր դա: Որոշակի պայմաններ էր դրվում, չափանիշներ՝ ավտոբուսների վարորդների հազուկապի համար, այդ դեպքում սեփականատերերը պարզապես եկամուտ էին ստանում եւ հարկ վճարում պետությանը, որի հաշվին պահվում էին այն գծերը, որոնք քիչ են ծանրաբեռնված:

Մենք պայքարելու ենք ընտրությունների ֆորմատով եւ կարելորագույն հարցերից մեկը մեզ համար, որի շուրջ համաձայնության չենք գալիս, Նիկոլ Փաշինյանի՝ որպես վարչապետի նկատմամբ մեր վերաբերմունքն է:  
**Ջրուցեց ՍՈՍԱ ԳՐԻԳՈՐՅԱՆԸ**

«ՎԵՐԱԳԱՐՉ 100 ԳՐԱՄՆԵՐԻՆ ԱՆՇՆԱՐ Է» ԱՎԻՆՅԱՆ

«ՎԵՐԱԳԱՐՉ 100 ԳՐԱՄՆԵՐԻՆ ԱՆՇՆԱՐ Է» ԱՎԻՆՅԱՆ



Երեւանի քաղաքապետ Տիգրան Ավինյանը շնորհակալություն է հայտնել քաղաքացիներին տրանսպորտային ոլորտում քաղաքապետարանի վարած քաղաքականությանն աջակցելու համար:

«Միասնական տոմսային համակարգին անցումը բարդ ճանապարհ էր, բավական բարդ փուլերով ենք անցել, եւ ես իրապես շատ ուրախ եմ, որ մենք ընդհանուր մեկ էջի վրա ենք, հասկանում ենք՝ ինչ է տեղի ունենում, ինչի համար է տեղի ունենում: Միասնական տոմսային համակարգի ներդրումն առաջին հերթին Երեւանում որակյալ տրանսպորտ ունենալու համար է արվում», - ասել է քաղաքապետը:

ՓԱՇԻՆՅԱՆԸ ՓԵՏՐՎԱՐԻ 3-7-Ը ԿԳՏՆՎԻ ԱՄՆ-ՈՒՄ

Հայաստանի Հանրապետության վարչապետ Նիկոլ Փաշինյանը տիկնոջ՝ Աննա Հակոբյանի հետ փետրվարի 3-7-ն աշխատանքային այցով կգտնվի Ամերիկայի Միացյալ Նահանգներում:

ՀՀ կառավարությունից հայտնում են, որ այցի շրջանակներում վարչապետը Վաշինգտոնում կմասնակցի 5-րդ ամենամյա Միջազգային կրոնական ազատության գագաթնաժողովին, ինչպես նաեւ «Ազգային աղոթքի նախաճաշին»:

Նախատեսված են նաեւ մի շարք այլ հանդիպումներ:

ԱՆԳՐԱԳԱՐՉԵԼ ԵՆ ԲԱՆԿԱՅԻՆ ԶԱՐՏԵՐՈՎ ՎՃԱՐՄԱՆ ԽՆԴԻՐՆԵՐԻՆ

Երեւանի քաղաքապետի տեղակալ Սուրեն Գրիգորյանն անդրադարձել է տարածվող տեղեկություններին, թե իբր ուղեւորափոխադրումների համար բանկային քարտերից հավելյալ գումարներ է գանձվում:

Գրիգորյանը վստահեցրեց, որ նման դեպքերի ուսումնասիրությունը ցույց է տվել, որ հաճախ քաղաքացիներն օգտվում են, ինչ-ինչ պատճառներով, այդ թվում միջոցների անբավարար լինելու պարտք է ձեւավորվում եւ հետագայում պարտքն է գանձվում:

ԼՈՒՐԵՐ

ՀԵՆՐԻԽ ՄԻԻԹԱՐՅԱՆԸ ՓԱՇԻՆՅԱՆԻ ԶԵՌՔԻՑ ՊԱՐԳԵՎ ԶՎԵՐՅՐԵՑ

«Ժողովուրդ» օրաթերթը պաշտոնական աղբյուրներից տեղեկացել է, որ աշխարհահռչակ ֆուտբոլիստ Հենրիխ Մխիթարյանը, ով իր՝ 2022 թվականի մարտի 3-ի հայտարարության համաձայն լքեց Հայաստանը, չի եկել անգամ պետական պարգև ստանալու: Իշխանությունները չեն կարողացել նրան Հայաստան բերել:

Այսպիսով, հաջողակ եւ հայրենասեր ֆուտբոլիստ Հենրիխ Մխիթարյանը հրաժարվել է գալ Հայաստան ու մասնակցել 2024 թվականի ՀՀ լավագույն մարզիկների պարգևատրման արարողությանը: Ֆուտբոլիստը, հիշեցնենք, երկու տարի առաջ հայտարարեց, որ Հայաստանի ազգային հավաքականում ավարտում է կարիերան՝ հեռանալով Հայաստանից, քանի որ ոչ Մխիթարյանի, ոչ նրա մոր՝ Մարինա Թաջջյանի նկատմամբ ՀՀ Ֆուտբոլի ֆեդերացիայի նախագահ Արմեն Մելիքբեկյանն ու նրա թիմակիցները լավ վերաբերմունք չցուցաբերեցին՝ հեռացնելով անգամ ՀՀՖ գործկոմից:

Եվ այսպանից հետո Հենրիխ Մխիթարյանը փաստացի մերժել է Նիկոլ Փաշինյանին ու նրա իշխանությանը՝ չգալով եւ անգամ ներկայացուցիչ չուղարկելով, որ իր փոխարեն ստանան պետական պարգևներ:

«Ժողովուրդ» օրաթերթը սա փաստող կադրեր գտավ նաեւ հենց պաշտոնական հաղորդագրության մեջ:

Կառավարության պաշտոնական հոլովակում ասվում է, որ Մխիթարյանը լավագույնն է հռչակվել առցանց քվեարկությամբ, սակայն գործադիրը, փաստացի, չի կարողացել գտնել նրան, ինդրել, համոզել, որ գա Հայաստան:

Արդյունքում, Նիկոլ Փաշինյանը հնարավորություն չի ունեցել պահանջված ֆուտբոլիստին հանձնել պարգևը:  
**ԷՄՍՍ ՄԻՔԱՅԵԼՅԱՆ**

ՌԳ ՍԱՀՄԱՆԱՆԻՑ ԸՐՋԱՆՆԵՐՈՒՄ ԱԳՐԲԵՋԱՆԸ ԳՈՐԾՈՂՈՒԹՅՈՒՆՆԵՐ Է ԱՆՈՒՄ

Աղրբեջանի իրավապահ մարմինները Ռուսաստանի Դաշնությանը սահմանակից շրջաններում հանցավորության դեմ պայքարի համալիր օպերատիվ-ի-

տախուզական եւ կանխարգելիչ միջոցառումներ են իրականացնում: Այս մասին տեղեկանում է ՏՍՍՍ գործակալությունից:

«Սահման-վահան» ծածկանունով գործողությունն իրականացվում է Աղրբեջանի եւ Ռուսաստանի ներքին գործերի նախարարների միջեւ ձեռք բերված փոխադարձ պայմանավորվածության համաձայն:

Գործողությունը կտեւի մինչեւ փետրվարի 10-ը: Դրա շրջանակներում ոստիկանական դիրքեր են տեղակայվել Աղրբեջանի հյուսիսում եւ հյուսիս-արեւմուտքում գտնվող մի շարք շրջաններում:

Նշվում է, որ ըստ Azertag գործակալության, «գործողությունների հիմնական նպատակն է սահմանային համագործակցության հարցերի վերաբերյալ ընդունված որոշումների իրականացումը, անդրազգային կազմակերպված հանցավոր խմբավորումների եւ ահաբեկչական կազմակերպությունների անդամների բացահայտումն ու վնասագերծումը, կազմակերպչական եւ գործնական համալիր միջոցառումների իրականացումը զենքի, պայթուցիկ նյութերի եւ սարքերի, թմրանյութերի փոխադրման ուղիները բացահայտելու եւ կանխելու համար»:

ԻՐԱՎԻՃԱԿ

ՈՐՈՇՈՒՄԸ ԹԵՐԻ Է

ՊԱՏՎԻՐԱԿՈՒԹՅՈՒՆԸ ԱՄՆ Է ՄԵԿՆԵԼ ԱՎԵԼԻ ՎԱՂ, ԲԱՆ ՎԱՐՉԱՊԵՏԸ

ՌՈՒՍԱՍՏԱՆՈՒՄ 670 ՀԱԶԱՐ ԱՊՕՐԻՆԻ ՆԵՐԳԱՂԹՅԱԼ ԿԱ

Ռուսաստանի տարածքում անօրինական կերպով գտնվում է 670 հազար մարդ, նրանց մոտ կեսը կանայք են երեխաներ են: Այս մասին «Կոմսոմոլսկայա Պրավդա»-ի հետ զրույցում հայտարարել է ՆԳՆ ղեկավարի առաջին տեղակալ Ալեքսանդր Գորոլովը: Այս մասին տեղեկացնում է «ՌԻԱ Նովոստի»-ն:

«Մինչև 2025 թվականի ապրիլի 30-ը նրանք իրավունք ունեն դիմել արոֆիլային գերատեսչություններին եւ ներքին գործերի մարմիններին՝ իրենց իրավական կարգավիճակի հարցը կարգավորելու համար»,- ասվում է իրապարակման մեջ:

Եթե իրավական կարգավիճակը չհաջողվի կարգավորել, օտարերկրյա քաղաքացիները ստիպված կլինեն լքել Ռուսաստանը, եզրափակել է Գորոլովը:

Ավելի վաղ ՌԴ կրթության նախարարությունն առաջարկել էր փաստաթղթերի նոր ցանկ՝ օտարերկրյա քաղաքացիների երեխաներին ռուսական դպրոցներ ընդունելու անհնար: Փաստաթղթի համաձայն՝ այժմ ռուսումնական հաստատություն ընդունվելու համար անհրաժեշտ է հաստատել Ռուսաստանում ոչ միայն երեխայի, այլև նրա օրինական ներկայացուցիչների բնակության իրավունքը:

ՎՐԱՍՏԱՆՈՒՄ ԱՆՑԻԱՆԵՐԸ ՆՈՐ ԹԱՓ ԵՆ ԱՌԵԼ

Վրաստանում բողոքի ակցիաները կրկին թափ են առել: Ոտքի ելած ցուցարարները պահանջում են նոր խորհրդարանական ընտրությունների անցկացում: Հազարավոր ցուցարարներ փակել են մայրուղիի երկրի մայրաքաղաք Թբիլիսիի ծայրամասում:

Ոստիկանությունը ձերբակալել է հակակառավարական բողոքի ակցիաների մի քանի մասնակիցների: Ինչպես հայտնում է Reuters-ը, ձերբակալվածների թվում է Նիկա Մելիան՝ երկրի ամենամեծ ընդդիմադիր՝ «Հանուն փոփոխությունների կոալիցիա»-ի առաջնորդը: Տեղական լրատվամիջոցների հաղորդմամբ՝ ձերբակալվել է նաև Թբիլիսիի նախկին քաղաքապետ Գեորգի Ուզուլավան:

Հիշեցնենք, որ 2024 թվականի նոյեմբերի 28-ին Եվրախորհրդարանը հրաժարվեց ճանաչել Վրաստանում կայացած խորհրդարանական ընտրությունների արդյունքները եւ կոչ արեց պատժամիջոցներ կիրառել «Վրացական երազանքի» առաջնորդների դեմ: Նույն օրը Վրաստանի վարչապետը հայտարարեց, որ Վրաստանը կիրառվի Եվրամիությանն անդամակցելու բանակցություններից մինչև 2028 թվականի վերջ: Սրանից հետո երկրում բողոքի ցույցեր են սկսվել, որոնք շարունակվում են մինչ օրս. ցուցարարները պահանջում են չեղարկել ընտրությունների արդյունքները եւ անցկացնել նոր ընտրություններ:

«Ժողովուրդ» օրաթերթը տեղեկանում է, որ ՀՀ վարչապետ Նիկոլ Փաշինյանի գլխավորած ղազախությունը, համաձայն ՀՀ վարչապետի որոշման, 2025 թվականի փետրվարի 1-7-ը աշխատանքային այցով կզսնվի Ամերիկայի Միացյալ Նահանգներում՝ Վաշինգտոնում:

Սույն որոշման 1-ին կետում նշված գործողման մեջ գտնվելու ժամանակահատվածում Հայաստանի Հանրապետության վարչապետի պարտականությունների կատարումը ղնել Հայաստանի Հանրապետության փոխվարչապետ Միեր Գրիգորյանի վրա:

Հայաստանի Հանրապետության կառավարական պատվիրակության կազմում ընդգրկել նաև Ամերիկայի Միացյալ Նահանգներում Հայաստանի Հանրապետության արտակարգ եւ լիազոր դեսպան Լիլիթ Մակունցին:

Հայաստանի Հանրապետության կառավարական պատվիրակության՝ Ամերիկայի Միացյալ Նահանգներ (Վաշինգտոն) գործողման հետ կապված ծախսերը, այդ թվում՝ օդանավակայաններում սպասարկման ծախսերը, համաձայն փաստացի կատարված ծախսերը հիմնավորող փաստաթղթերի, կատարել՝

1) Նիկոլ Փաշինյանի, Նազելի Բաղդասարյանի, Կարեն Գասպարյանի, Արմեն Խաչատրյանի, Ալեքսանդր Աբրահամյանի, Արման Շահինյանի, Տիգրան Մեհրաբյանի օրապահիկի, ճանապարհածախսի, ինչպես նաև հուշանվերների ձեռքբերման հետ կապված ծախսերը՝ Հայաստանի Հանրապետության վարչապետի աշխատակազմի պահպանման ծախսերի համար նախատեսված միջոցների հաշվին:

2) սույն կետի 1-ին ենթակետում նշված անձանց գիշերավարձի, ինչպես նաև պատվիրակության ներկայացուցչական եւ փոխադրամիջոցների վարձակալման



հետ կապված ծախսերը՝ Հայաստանի Հանրապետության արտաքին գործերի նախարարության պետական արարողակարգի ծառայության միջոցների հաշվին:

3) Արարատ Միրզոյանին՝ Հայաստանի Հանրապետության արտաքին գործերի նախարարության, իսկ Գագիկ Վանոյանին՝ Հայաստանի Հանրապետության արտաքին գործերի նախարարության պետական արարողակարգի ծառայության միջոցների հաշվին:

5. Ուղղակի ի գիտություն, որ Արսեն Թորոսյանի գործողման հետ կապված ծախսերը կատարվելու են Ազգային ժողովի միջոցների հաշվին:

«Ժողովուրդ» օրաթերթը նկատեց, որ վարչապետի կողմից ստորագրված որոշման մեջ առկա չէ Աննա Հակոբյանի անունը, ըստ այդմ, նաև Վաշինգտոն մեկնման

ծախսերում ներառված չէ վարչապետի տիկնոջ մեկնման գումարը:

Հարկ է նշել, որ պատվիրակության անդամները ավելի վաղ են մեկնել ԱՄՆ, քան Նիկոլ Փաշինյանը: Օրինակ՝ ՀՀ վարչապետի մամուլի քարտուղարը, ՀՀ արտաքին գործերի նախարարության պետական արարողակարգի ծառայության պետը, ՀՀ վարչապետի աշխատակազմի արտաքին կապերի վարչության պետը, ՀՀ վարչապետի աշխատակազմի տեղեկատվության եւ հասարակայնության հետ կապերի վարչության պետը, ՀՀ վարչապետի աշխատակազմի տեղեկատվության եւ հասարակայնության հետ կապերի վարչության 2 օպերատորները եւ լուսանկարիչը ԱՄՆ էին մեկնել 1-2 օր առաջ:

ԷՄՍԱ ՄԻՔԱՅԵԼՅԱՆ

ՕՐՎԱ ԽՃԱՆԿԱՐ

«ՄԵՆՔ ՄԵԾ ՀԱՂԹԱՆԱԿԻ ՄԻ ՄԱՍՆ ԵՆՔ» Գ. ԾԱՌՈՒԿՅԱՆ

Գագիկ Ծառուկյանը ֆեյսբուքյան իր էջում գրել է. «Միտելի՛ հայրենակիցներ

Այս տարի լրանում է Հայրենական մեծ պատերազմում ֆաշիզմի դեմ տարած հաղթանակի 80-ամյակը: Հայ ժողովուրդն իր նշանակալից մասնակցությունն է ունեցել այդ հաղթանակին: Հայաստանը եւ Արցախը տվել են փառապանծ զինվորականներ, հերոսներ, գեներալներ, մարշալներ: Մեր ներդրումն իսկապես նշանակալի է:

Սա մարդկության պատմության ամենավճռորոշ փուլերից էր, երբ քաղաքակիրթ աշխարհը կասեցրեց ֆաշիզմի հրեշավոր արշավը:

Սա մեր ժողովրդի համար թանկ ու զգացմունքային թեմա է: Մեր հայրերը, մեր պապերը, մեր մայրերը ներդրել են իրենց կյանքը, առողջությունը եւ մասնագիտական կարողությունները՝ ընդհանուր հաղթանակի գործում:

Այս հաղթանակը Հայոց պատմության մի մասն է, եւ այդ էջը պիտի հարգանքով ու խնամքով պահպանվի ոչ միայն գրքերում, այլև մեր մտքերում ու մեր սրտերում:

Մենք իրավունք չունենք մոռանալու պատմությունը, մենք իրավունք չունենք թույլ տալու, որ այն խեղաթյուրվի:

Մենք պետք է հավուր պատշաճի հիշենք մեր հերոսներին, մեր ավագ սերնդի մասնակցությունը մեծ հաղթանակին, եւ նոր սերունդներին համար կարեւոր ենք նրանց անմահ գործը:

Մեզ այսօր դրսից մեղադրում են ֆաշիստական նկրտումների մեջ, երբ մենք մեր անմահ գործը մասնակցությունն ենք ունեցել իսկական ֆաշիզմի ջախջախման գործում: Մեզ այսօր փորձում են բաժանել արեւմտամետների եւ ռուսամետների՝ թուլացնելու համար մեր կամքը:

Երկրորդ համաշխարհայինում մենք՝ հայերս, եղբայրական ռուս ժողովրդի կողքին, խորհրդային պետության մաս կազմող մյուս ժողովուրդների հետ ուսի պայքարել ենք իրական ֆաշիզմի դեմ մեր արյամբ պահելով մեր հայրենիքի ամեն մետրը եւ մեր արժանապատվությունը: Մենք՝ հայերս, մեր անջնջելի մասնակցությունն ենք ունեցել նաև Ֆրանսիական դիմադրության կազմակերպման գործում՝ ընդդեմ նույն ֆաշիզմի:

Հայրենական մեծ պատերազմի 80-ամյակը կարեւորագույն տարեդարձ է բոլոր քաղաքակիրթ եւ խաղաղասեր ժողովուրդների համար:

Ես հանձնարարել եմ «Ծառուկյան» բարեգործական հիմնադրամի աշխատակազմին՝ սկսել լայնածավալ ծրագիր եւ աջակցել այլ անհատների եւ կազմակերպությունների նմանատիպ ծրագրերին, որոնք ուղղված կլինեն հայրենական մեծ պատերազմում ֆաշիզմի դեմ տարած հաղթանակի կարեւորմանը, հերոսների

մեծարմանը, միասնական անցյալի գնահատմանը, այդ հաղթանակի պատմական եւ քաղաքակրթական կարեւորության ներկայացմանը:

Մենք մեծ ու շատ թանկ հաղթանակի մի մասն ենք եւ դրանով պետք է հպարտանալ:»

ՔՆՆԱՐԿԵԼ ԵՆ ՑԵՂԱՄՊԱՆՈՒԹՅԱՆ ՀԱՐՑԻ ՄԱՍԻՆ ՀԱՅՏԱՐԱՐՈՒԹՅՈՒՆՆԵՐԸ

Անթիլիասի Մայրավանքում փետրվարի 1-ին ՀՀԴ Հայաստանի Գերագույն մարմնի ներկայացուցիչ Իշխան Սարգսեյանը, ՀՀԴ Բյուրոյի անդամ Հովսեփ Տեր Գեորգյանը, ՀՀԴ Լիբանանի կենտրոնական կոմիտեի ներկայացուցիչ Հակոբ Բագրատունին եւ կազմակերպական ներկայացուցիչ Ալպեր Պալապանյանը հանդիպել են Ն.Ս.Օ.Տ.Տ. Արամ Ա. Վեհափառ Հայրապետին:

Հանդիպման արձարծված հիմնական թեմաներն են եղել Հայաստանի ներկա իրավիճակը, Հայաստան-Սփյուռք հարաբերությունների այսօրվա համապատկերը, Հայոց ցեղասպանության հարցի մասին հնչող հայտարարությունների բացասական հետեւանքները, Միջին Արեւելքում տեղի ունեցող փոփոխությունները եւ հատկապես լիբանանահայ համայնքի դիմագրված մարտահրավերները:



ՀԱՍԱՐԱԿՈՒԹՅՈՒՆ

ՍԱՐՁ

ՖԻՆԱՆՍԻՑ 2,5 ՄԻԼԻՐՈՆ ԴԲԱՄ Է ՊԱՀԱՆՋՈՒՄ

Իջեանի բժշկական կենտրոնի մանկաբարձագինեկոլոգիայի բաժանմունքի նախկին վարիչ վարիչ Էդվարդ Ֆրանգույանը Տավուշի մարզի առաջին ատյանի դատարան քաղաքացիական հայց է ներկայացրել՝ ընդդեմ 33 ֆինանսների նախարարության՝ արդարացվածի վնասի հատուցման պահանջով: 3այցով Էդվարդ Ֆրանգույանը դատարանին խնդրում է հոգուտ իրեն բռնագանձել 2,5 միլիոն դրամ. պահանջվող նյութական վնասի չափը կազմում է մեկ միլիոն 33 դրամ, իսկ ոչ նյութական կամ բարոյական վնասի չափը կազմում է մեկ միլիոն հինգ հարյուր հազար 33 դրամ: 2024թ. հոկտեմբերի 24-ին Դիլիջանում կայացած դատական նիստում դատավոր Ա. Պապիկյանը որոշել է քաղաքացիական գործը ըստ ընդդատության ուղարկելու մասին պատասխանողի ներկայացուցչի միջնորդությունը բավարարել, քաղաքացիական գործն ըստ ընդդատության հանձնել Երեան քաղաքի առաջին ատյանի ընդհանուր իրավասության քաղաքացիական դատարանի քննությանը: Երեան քաղաքի առաջին ատյանի ընդհանուր իրավասության քաղաքացիական դատարանում այս գործով նախնական դատական նիստեր են կայանում: Է. Ֆրանգույանին մեղադրանք էր առաջադրվել այն բանի համար, որ նա, լինելով «Իջեան բժշկական կենտրոն» ՓԲԸ մանկաբարձագինեկոլոգիայի բաժանմունքի վարիչ, 2017թ. հուլիսի 14-ին կամ 15-ին, նախնական համաձայնության գալով բաժանմունքի մանկաբարձ-գինեկոլոգ Վանուհի Ասիլբեկյանի հետ, նրա կողմից կատարված արարքը թաքցնելու և պատասխանատվության չենթարկելու նպատակով՝ պատասխանատվությունից ազատող, պաշտոնական այլ փաստաթուղթ հանդիսացող, էլիսա Սաղոյանի անվամբ լրացված թիվ 1554 ծննդաբերության պատմության մեջ կեղծ գրառումներ է կատարել: 2023թ. հուլիսի 2-ին Տավուշի մարզի առաջին ատյանի դատարանի դատավոր Ջոյա Զաքիյանը վճռել է առաջադրված մեղադրանքով արդարացնել Է. Ֆրանգույանին և Վ. Ասիլբեկյանին: Տավուշի մարզի դատախազությունը այդ վճռի դեմ վերաքննիչ բողոք է ներկայացրել, սակայն վերաքննիչ դատարանը Տավուշի մարզի առաջին ատյանի դատարանի վճիռն անփոփոխ է թողել:

ՀՐԳԵՆՆԵՐԸ ԳԻՏԱՎՈՐՅԱՆ ԵՆ

Դիլիջանի բնակիչները «Ժողովուրդ» օրաթերթի թղթակցին բողոքել են, որ վերջերս Դիլիջանի ազգային պարկում բռնկված հրդեհները, որոնք ընդգրկել են մոտ 25 հա տարածք, դիտավորության պատճառ ունեն: Դիլիջանցիներն ասում են, որ հրդեհները արվել են ազգային պարկում արված մեծածավալ հատումների, կտրված հաստաբուն ծառերի հետքերը թաքցնելու նպատակով: Նրանք ասում են, որ ապօրինիություններ թույլ տված պաշտոնյաների թիկունքն իշխանությունն է: Դիլիջանցիների խոսքերով՝ Դիլիջանի ազգային պարկում ծառայություն իրականացնող էկոլոգիական պարենները ձախողել են իրենց վստահված գործը: **ՈՍՎԻՍ ՍԱՐԳՅԱՆ Տավուշ**

ՓԵՏՐՎԱՐԻ 1-ԻՆ ՄԵՐ ԾՆՈՒՆՈՒՆ ԷՐ

«ԺՈՂՈՎՈՒՐԴ» ՕՐԱԹԵՐԹԸ ԴԱՐՁԱՎ 14 ՏԱՐԵԿԱՆ

Մեր կարգախոսն է՝ «Օրաթերթ բոլորի և ամեն ինչի մասին» առանց սարսուղի»:

14 տարի առաջ Թագուհի Թովմասյանի գլխավորությամբ մի խումբ երիտասարդներ հիմնադրեցին «Ժողովուրդ» օրաթերթը. այդ ժամանակ միտումը դեպի թվայնացումն էր և համացանցային մեդիան: Ավանդական մամուլն իր դիրքերը ակնհայտորեն զիջում էր, բայց մենք, հակառակ հոսանքին, նոր օրաթերթ հիմնադրեցինք՝ համոզվում ենք, որ այն դառնալու է Հայաստանի թոփ լրատվամիջոցներից մեկը:

Եվ այսպես, 2011 թվականի փետրվարի 1-ին լույս տեսավ մեր օրաթերթի առաջին համարը 5000 տպաքանակով՝ սպասվածից մեծ պահանջարկ ձեռավորելով: 3 օր անվճար բաժանում էինք թերթերը ընթերցողներին՝ մեր ճանաչելիության համար, բայց քանի որ պահանջարկը բավականին մեծ էր, անվճար գրառումով թերթը շատ կրպակներ վաճառում էին:

Նոր մեդիա դարաշրջանում թերթը մտում է անկախ և ազդեցիկ:

Մեծ դժվարությունների միջով ենք անցել. դատական տասնյակ հայցեր, ազատ խոսքը լռեցնելու փորձեր, մեզ սնանկացնելուն ուղղված գործողություններ, հողված գրելու համար բերման ենթարկելու փորձեր, զանգվածային պայքար՝ հանուն մեր և ձեր իրավունքների...

Գաղտնալսվեց անզամ գլխավոր խմբագիրը, անհայտ անձինք ներխուժեցին մեր խմբագրություն, և գործը մինչ օրս բացահայտված չէ:

Ազգային ժողովի նախագահից սկսած մինչև Երեանի քաղաքապետ, իշխանահաճո գործարարներ դատական հայցեր են ներկայացրել «Ժողովուրդ» օրաթերթի դեմ՝ խոշոր տուգանքների պահանջներով...



րով... Սա էլ կհաղթահարենք: Պայքարից հոգևորը չենք:

14 տարի, որոնք չփոխեցին մեզ... Անկողմնակալությունը, անաչառությունը, օբյեկտիվությունը և որևէ քաղաքական ուժին չճառայելը մեզ համար գլխավոր արժեքներ են: Մեր ամենահուսալի գործընկերը մեր ընթերցողներն են, որոնք տարիների ընթացքում հասել են հարյուր հազարների՝ տպագիր և էլեկտրոնային տարբերակներով: Մեր օրաթերթը հուսալի և ազնիվ աղբյուր է ինֆորմացիա ստանալու համար, վստահելի գործընկեր՝ գովազդատուների համար:

Փոքրիկ վիճակագրություն

14 տարիների ընթացքում «Ժողովուրդ» օրաթերթը հրատարակել է 3047 համար, որտեղ լույս են տեսել մոտ 27 հազար 423

հոդվածներ՝ այդ թվում և հետաքննական ժանրի, 6094 հարցազրույցներ՝ տարբեր գործիչների հետ և 70 հազար 81 լուր՝ ներառելով տարբեր բնագավառներ:

Facebook սոցիալական ցանցում մենք ունենք 500.000 հետևորդ, Youtube-ում՝ 300.000 հետևորդ, իսկ մեր կայք՝ ArmLur.am այցելությունների թիվը ամսական 1.5-2 մլն է կազմում:

14 տարիների ընթացքում մեր դեմ ներկայացվել են մոտ 25 դատական հայցեր, որից 23-ի դեպքում հաղթել ենք և շարունակում ենք բողոքարկել:

Այսպիսով՝ շարունակելու ենք անցյալի ոգով դեպի ապագա, բայց մեր իմացած ու պատկերացրած ապագան:

Շնորհակալություն մեզ հետևելու համար:

ԱՆՑՈՒՂԱՐՁ

ԲԱՑԱՆԵՔ ԸՆԹԱՐ ՊԱՐՈՒՆԱԿՈՂ ԸՄՊԵԼԻՔՆԵՐԸ. ՀՀ ԱՆ

Nature Medicine գիտական ամսագրում հրատարակվել են զլոբալ հետազոտության արդյունքները, որն ընդգրկել է 184 երկիր՝ տարածաշրջանային և ազգային մակարդակներում, 1990-2020թթ. ժամանակահատվածը: Այս մասին հայտնում են ՀՀ առողջապահության նախարարությունից:

Հետազոտողներն ուսումնասիրել են գնահատել են այդ տարիներին շաքար պարունակող ըմպելիքների սպառման հետեանքով ազդեցությունը 2-րդ տիպի շաքարային դիաբետի (ՇԴ) և սիրտ-անոթային համակարգի հիվանդությունների (ՍԱՀ) վրա:

2020 թվականի տվյալներով՝ շաքար պարունակող ըմպելիքների օգտագործումն ամբողջ աշխարհում նպաստել է 2-րդ տիպի ՇԴ 2.2 միլիոն և ՍԱՀ 1.2 միլիոն նոր դեպքերի առաջացմանը, ինչը կազմում է դեպքերի 9,8% և 3,1%-ը: Տվյալները դիտարկվել են ըստ ժողովրդագրական խմբերի, որոնց համաձայն՝ շաքար պարունակող ըմպելիքների օգտագործման բեռն ավելի բարձր է տղամարդկանց, երիտասարդների, բարձրագույն կրթությամբ անձանց և քաղաքային բնակչության շրջանում:

ՋԵՐՄՈՒՆԻ ԶՈՂԱՆՈՒՂԻՆ ՎԵՐԱԳՈՐԾԱՐԿՎԵԼ Է

Ջերմուկում պաշտոնապես բացվել են Համահայկական ձմեռային 2-րդ խաղերը:

Այս առիթով երկարատե դադարից հետո վերագործարկվել է նաև քաղաքի ճոպանուղին:

Տեղեկությունը հայտնել են «Վիզիթ Ջերմուկ գրասաշրջային տեղեկատվական հարթակ» Ջերմուկի գրասաշրջության զարգացման կենտրոնից:

Ճոպանուղու 1 տոմսն արժե 1500 դրամ, երկարությունը 1 կմ է:

Ճոպանուղու վերանորոգման համար ՀՀ կառավարությունը սկզբում՝ որպես տեխնիկական վնասի փոխհատուցում, հատկացրել է 12 մլն դրամ, ապա 24 մլն դրամ էլ՝ ճոպանի ձեռքբերման համար:

Ջերմուկի ճոպանուղու աշխատանքը նախ դադարեցվել էր 2022 թ.-ի սեպտեմբերին՝ աղբրեջանական հարձակումից հետո, ապա դեկտեմբերին գործարկվել, որից ամիսներ անց՝ 2023 թ.-ի մարտի 8-ից, դարձյալ փակվել էր, քանի որ տեխնիկական ստուգումից հետո պարզվել էր, որ գլխավոր ճոպանը վնասված է:

Ջերմուկում ընթանում են Համահայկական ձմեռային 2-րդ խաղերը: Դրանք կսկսվեն մինչև փետրվարի 7-ը:

ՓԱԹԵԹՆԵՐԻ ԼՐԱՑՈՒՑԻՉ ՀՆԱՐԱՎՈՐՈՒԹՅՈՒՆ

Երեանի քաղաքապետարանը տեղեկացնում է, որ 2025 թվականի հունվարի 1-ից մինչև փետրվարի 28-ը ներառյալ ձեռք բերած 30-օրյա, 90-օրյա և 365-օրյա տոմսային փաթեթները կստանան լրացուցիչ 30 օր օգտագործման հնարավորություն:

Նախաձեռնությունը գործում է ինչպես հիմնական, այնպես էլ արտոնյալ սակագնով զեղչված տոմսերի համար:

Ինչպե՞ս ձեռք բերել տոմսային փաթեթները transport.yerevan.am կայքից Telcell բջջային հավելվածից TelCell տերմինալներից՝ ակտիվացնելով դրանք տրանսպորտային քարտում

Որտեղի՞ց ձեռք բերել տրանսպորտային քարտերը Մետրոյի բոլոր կայարաններից Վարչական շրջանների մասնաշենքերից (թաղապետարաններից) TelCell-ի գրասենյակներից Հանրապետության և Ազատության հրապարակների ինֆոկետերից: Մանրամասների համար պետք է այցելել transport.yerevan.am կայք:

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 28 պատահար. 48 անձ ստացել է տարբեր աստիճանի մարմնական վնասվածքներ:

ՏՆՏԵՍՈՒԹՅՈՒՆ

Fast Shift-ը ՄԱՍՆԱԿՅԵԼ Է ICE Barcelona 2025-ԻՆ



Fast Shift վճարահաշվարկային ընկերությունը...

Fast Shift ընկերության խորհրդի նախագահ Ռոման Բաղդասյանը...

Յաճկեմ, որ միջազգային լավագույն փորձի կիրառմամբ...

Fast Shift վճարահաշվարկային ընկերությունը վերաթողարկել է արագ, անվտանգ...

Fast Shift վճարահաշվարկային ծառայության հավելվածը ներբեռնելու համար...

Fast Shift վճարահաշվարկային ընկերությունը վերահսկվում է ՀՀ ԿԲ կողմից:

ՏՆՏԵՍԱԿԱՆ ԱԿՏԻՎՈՒԹՅԱՆ ՑՈՒՑԱՆԻՇԸ 2024-ԻՆ ԱՃԵԼ Է

2024 թվականի հունվար-դեկտեմբեր ամիսներին Հայաստանի տնտեսական ակտիվության ցուցանիշը...

Տնտեսական աճի հիմնական շարժիչները եղել են հետևյալ ոլորտները...

IDBank

ՀԱՃԱԽՈՐԴՆԵՐԸ ԿՄՊԱՍԱՐԿՎԵՆ ՆՈՐ ՄԱՍՆԱՃՅՈՒՂՈՒՄ

IDBank-ն այսուհետև իր հաճախորդներին կընդունի նաև Արմավիր քաղաքում...

Առցանց համակարգերի զարգացմանը զուգահեռ՝ IDBank-ը կարելի էր և՛ նաև հաճախորդների կյանքում...

«Մենք գիտենք, որ մեր շատ հաճախորդներ սիրում են սպասարկվել հենց մասնաճյուղերում...

Վաճառքների կազմակերպման եւ տարածքային կառավարման վարչության ղեկավար Արթուր Քոչարյանն ասում է...



արագ եւ մի քանի հպումով, - ասաց Արթուր Քոչարյանը:

IDBank-ի Արմավիր մասնաճյուղը գործելու է Հանրապետության փ. 14/5 հասցեում:

IDBank-ից հիշեցնում են, որ բանկային բոլոր գործարքները կարելի է կատարել

և՛ նաև առցանց՝ IDBanking.am առցանց հարթակով կամ Idram&IDBank հավելվածով...

ԲԱՆԿԸ ՎԵՐԱԿՐՄԱԿՈՒՄ Է ՀՀ ԿԲ ԿՈՂՄԻՏ

ԼՈՒՐԵՐ

Barerar.am ՆԱԽԱՉԵՌՆՈՒԹՅԱՆԸ ՄԻԱՆՈՒՄ ԵՆ ՀԱՆԲԱՀԱՅՑ ՄԱՐԴԻԿ

Հարություն Մովսիսյան, Իվետա Մուկուչյան, Սոնա Ռուբենյան, Գարիկ Պապոյան...

Նրանք միավորել է մեր կողքին ապրող կարիքավոր անձանց...

Նրանք այս ամիսների ընթացքում կամավոր կանգնեցին տվյալ ընտանիքների կողքին...

Բացի հայտնի եւ սիրված անձանցից, հարթակը շատ կարճ ժամանակահատվածում լայն տարածում է գտել...

Բարերար դառնալու հերթը ձերն է:



ՎՃԱՐԻՐ IDBank-ի Mastercard-ՈՎ ԵՎ ՄՍՍՑԻՐ 5% idcoin

Միջազգային վճարումները կրկին բուխուսաշատ են լինելու, քանի որ փետրվարի 1-ից...

Այս առաջարկը բացառիկ է եւ հատկապես կուրախացնի առցանց գնումների

սիրահարներին: Միջազգային բոլոր խառնուրդներից պատվերների համար...

IDBank-ի Էկոհամակարգի զարգացման եւ գործընկերների հետ համագործակցության զծով...

Մեկ ամսվա ընթացքում հնարավոր է ստանալ առավելագույնը 10.000 ՀՀ դրամ...

Մեկ ամսվա ընթացքում հնարավոր է ստանալ առավելագույնը 10.000 ՀՀ դրամ...

ԲԱՆԿԸ ՎԵՐԱԿՐՄԱԿՈՒՄ Է ՀՀ ԿԲ ԿՈՂՄԻՏ


«ժողովորդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ԱՌԱՔԵԼՈՑ ՎԱՆԱԿԱՆ ՀԱՄԱԼԻՐԸ՝ ԱՄԵՆԱՎՏԱՆԳՎԱԾՆԵՐԻ ՑԱՆԿՈՒՄ

ՄՇԱԿՈՒԹԱՅԻՆ ԺԱՌԱՆԳՈՒԹՅՈՒՆՆ ԸՋԱԿՑՈՒԹՅԱՆ ԿԱՐԻՔ ՈՒՆԻ

Տավուռի մարզում գտնվող Առաքելոց վանական համալիրը եւ բնակատեղին ընդգրկվել են Եվրոպայի 14 ամենավաճակալի ժառանգության վայրերի կարգ ցանկում: Այս մասին հայտնում է «Եվրոպա Նոստրա»-ն եւ Եվրոպական մերթրուսային բանկի (ԵՆԲ) ինսպեկտորը:



2013-ից իրականացվող ծրագիրն ուղղված է Եվրոպայի մշակութային ժառանգության պաշտպանությանը, այդ թվում պետական ու մասնավոր աջակցության ապահովմանը, ինչպես նաեւ վտանգված վայրերի փրկությանն ուղղված գործողությունների խթանմանը:

Եվրոպայի 14 վտանգված վայրերը ընտրվել են միջազգային հորիզոնակցական խմբի կողմից, որի կազմում ընդգրկված են հնագիտության, ճարտարապետության, ժառանգության պահպանման, նախագծային վերլուծության եւ ֆինանսավորման ոլորտի մասնագետներ: Չնտրությունը կատարվել է հետեւյալ չափանիշներով. վայրի մշակութային եւ պատմական արժեքի կարեւորությունը, վտանգի իրական եւ հրատապ լինելը, տեղական համայնքների ներգրավվածության մակարդակը, պետական եւ մասնավոր հատվածի աջակցությունը, տարածքի սոցիալ-տնտեսական զարգացման ներուժը:

Թաքնված Տավուռի անտառներում Աճարկուտ գյուղից երկու կիլոմետր դեպի արեւմուտք, Կիրանց գետի երկայնքով, Առաքելոց վանական համալիրը միջնադարյան կրոնական եւ աշխարհիկ ժառանգության բացառիկ գոհարներից է: 13-րդ դարում այն եղել է մշակութային ու տնտեսական կարեւոր կենտրոն՝ Հայկական մետաքսի ճանապարհի առեւտրային աշխուժության վկայությամբ: Մեկուսի դիրքը եւ հայ-աղբյուրեղանական սահմանին հարեանությունը ընդգծում են համալիրի ոչ միայն պատմական, այլեւ աշխարհաբանական նշանակությունը:

Համալիրը շրջապատված է տպավորիչ պարսպով ու աշտարակներով, իսկ նրա ճարտարապետական կենտրոնը գլխավոր ենթեղեցին է՝ գմբեթավոր դահլիճով ու կից գավթով, որը զարդարված է հայկական

ավանդական «հազարաշեն» տանիքով: Այսօր այստեղ պահպանվել են Սուրբ Սարգսի եզակի որմնակարը, քարավանատունը, ձիթանքը եւ Սրանոց կամուրջը, որոնք վկայում են երբեմնի աշխույժ առեւտրային կյանքի մասին: Ջաքարյանների ու մոնղոլական տիրապետության տարիներին վանական համալիրը վայելել է հարկային արտոնություններ՝ դառնալով կրոնական ու աշխարհիկ կյանքի համակցության վառ օրինակ եւ հայ-վրացական մշակութային փոխազդեցության կարեւոր օղակ: Սակայն 17-րդ դարից բնակատեղին լքվել է եւ մինչ օրս պատշաճ ուսումնասիրված չէ:

Այսօր Առաքելոցը կանգնած է լուրջ մարտահրավերների առաջ: Քայքայվող պատերը, վայրի բուսականության ներխուժումը, կլիմայական փոփոխությունները, առատ տեղումները եւ սելավները սպառնալիք են համալիրի պահպանության համար: Մեյմիկ ակտիվ գոտում գտնվելն ու երկրաշարժերից վնասված կառույցները լրացուցիչ վտանգներ են ստեղծում: Մարդկային գործուն էլ ակնհայտ է՝ գրաֆիտիով պատված պատեր, չպահպանվող տարածքներ ու ոչ կանոնակարգված հանգստի գոտիներ: Բացի այդ, համալիրում առկա չղջիկների գաղութը պահանջում է մշակութային ժառանգության եւ վայրի բնության պահպանության միջեւ հավասարակշռված մոտեցում:

Այս հանգամանքներում Առաքելոց վանական համալիրը եւ բնակատեղին ընդգրկվել են «ՅՈՒՆԵՍԿՕ-ի ամենավաճակալ» ժառանգության վայրերի ծրագրում: Դրա առաջադրումը նախաձեռնել է Ավստրիայի Զայցերուգի համալսարանի Քրիստոնյա Արեւելքի ուսումնասիրությունների կենտրոնի հայագիտության բաժնի ղեկավար Յասմին Դում-Թրագուտը՝ ՀՀ կրթության, գիտության, մշակույթի եւ սպորտի նախարարության, Աճարկուտի համայնքապետարանի, «Կապույտ վահան Հայաստանը» կազմակերպության եւ ՀՀ ԳԱԱ Հնագիտության եւ ազգագրության ինստիտուտի աջակցությամբ: Տարածքի հետազոտության, պահպանության եւ կայուն զարգացման ուղղությամբ խորհրդատվական աջակցություն կտրամադրի Ավստրիայի Կրեմի շարունակական կրթության համալսարանը:

Ծրագրի շրջանակում նախատեսվում է վանական համալիրի եւ բնակատեղիի մանրակրկիտ ուսումնասիրություն, տարածքի բարեկարգում, պահպանություն եւ կայուն էկոտուրիզմի խթանում՝ տեղական շահառուների, ակադեմիական հաստատությունների ու հասարակական կազմակերպությունների ներգրավմամբ: Կրթական ծրագրերն ու զբոսաշրջային արահետների բարեկարգումը նպատակ ունեն խթանելու տեղի բնակչության կապը այս միջնադարյան ժառանգության հետ՝ ձեռնարկելով հպարտության ու գնահատանքի զգացում տարածաշրջանի մշակութային ինքնության նկատմամբ:

«ՅՈՒՆԵՍԿՕ-ի ամենավաճակալ» ծրագրի միջազգային հորիզոնակցական խումբը շեշտում է, որ Առաքելոցը միջնադարյան նշանակալի ժառանգություն է, որը մարմնավորում է մշակութային երկակիությունն ու խաղաղ գոյակցությունը: Սակայն տարածաշրջանում առկա աշխարհաբանական լարվածությունը եւ բնապահպանական խնդիրները պահանջում են անհապաղ միջամտություն: Վանական համալիրի վերականգնումն ու հանրահռչակումը կարող են նպաստել տարածաշրջանային կայունությանն ու հաշտեցմանը՝ ժառանգությունը վերածելով խաղաղության եւ առաջընթացի ռեսուրսի:

ՄԱՐԶԱԿԱՆ

«ՆՈՒՆ» ՀԱՂԹԱՆԱԿ Է ՏԱՐԵԼ ՄՏՈՒԳՈՂԱԿԱՆ ԽԱՂՈՒՄ

«Նուսն» Դոհայում ընթացող ուսումնամարզական հավաքի շրջանակում ստուգողական հանդիպում է անցկացրել «Ալ Մաշաֆ» թիմի հետ եւ 8:0 հաշվով հաղթանակ տարել:

Դուբլի հեղինակ է դարձել Գրեյնիկ Պետրոսյանը, մեկական անգամ աչքի են ընկել Զավեն Խուրադեղյանը, Գոնսալո Գրեգորիան, Մաթեոս Այապը, Հելդեր Ֆերեյրան, Բրայան Մենդոզան եւ Բրունո Ալվեյրան: Վերջինս իր առաջին գոլն է խփել «Նուսնի» կազմում:

Ուսումնամարզական հավաքի շրջանակում «Նուսն» ավելի վաղ 2:1 հաշվով առավելության էր հասել «Ջեկիթի» նկատմամբ:

«Նուսնի» ուսումնամարզական հավաքը կտեւի մինչեւ փետրվարի 10-ը:

«ԱՐՄԵՆԱԼ»-Ը 5-1 ՀԱՇՎՈՎ ՀԱՂԹԵԼ Է «ՄԱՆՉԵՍԹԵՐ ՄԻԹԻ»-ԻՆ

Անգլիայի Պրեմիեր լիգայի 24-րդ տուրի կենտրոնական խաղում Լոնդոնի «Արսենալը» «Էմիրեյթսում» գերվստահ հաղթանակ տարավ «Մանչեսթեր Սիթի» նկատմամբ (5:1):

«Ջինագործների» կազմում աչքի ընկան Մարտին Էդեգորը, Թոմաս Փարթին, Կայ Հավերցը, Իթան Նվաներին եւ Մայլս Լյուիս-Սկելին՝ վերջինս համար այս գոլը առաջինն էր լոնդոնյան գրանդի կազմում: «Քաղաքայինների» միակ գոլը հեղինակեց թիմի նորվեգացի հարձակվող Էրլինգ Հոլանդը:

Այս խաղից հետո «Արսենալը» միավորների քանակը հասցրեց 50-ի եւ բարձրացավ 2-րդ հորիզոնական: «Մանչեսթեր Սիթին» 41 միավորով եզրափակում է լավագույն քառյակը:

«ԻՆՏԵՐ»-Ը «ՄԻԼԱՆ»-Ի ԳԵՄ ԽԱՂՈՒՄ ԽՈՒՍԱՓՈՒՄ Է ՊԱՐՏՈՒԹՅՈՒՆԻՑ

Իտալիայի Ա Սերիայի 23-րդ տուրի խաղում «Միլանը» «Սան Սիրոյում» մարտական ոչ ռեզի խաղաց «Ինտերի» հետ (1:1):

«Ռոտտերի» 45-րդ րոպեին հանդիպման հաշիվը բացեց հոլանդացի կիսապաշտպան Տիջանի Ռեյնոլդսը: Խաղի հիմնական ժամանակին ավելացված 3-րդ րոպեին Ռեյնոլդսի հայրենակից Ստեֆան Դե Կրայը հավասարեցրեց հաշիվը՝ փրկելով իր թիմին պարտությունից:

Հայաստանի ազգային հավաքականի նախկին ավագ Հենրիխ Մխիթարյանը 76 րոպե անցկացրեց «Ներաձուրի» կազմում:

Այս խաղից հետո «Միլանը» միավորների քանակը հասցրեց 35-ի ու այժմ 8-րդն է: «Ինտերը» 51 միավորով 2-րդն է:

«ԳՐԵՄՄԻ» 2025

ՈՎՔԵՐ ԵՆ ՄՐՅԱՆԱԿԱԲԱՇԽՈՒԹՅԱՆ ՀԱՂԹՈՂՆԵՐԸ

Փետրվարի 2-ին Լուս Անջելեսում կայացավ ամենամյա «Գրեմմի» 2025 երաժշտական իրադարձությունը:

Հանրահայտ երգչուհի Բեյոնսեն այս տարի բացարձակ առաջատար է եղել՝ ունենալով 11 անվանակարգ, սակայն հաղթել է միայն երկուսում: Բեյոնսեն հաղթել է «Լավագույն քանթրի ալբոմ» անվանակարգում եւ դարձել է առաջին սեւամորթ կատարողը, որը երբեքիցե հաղթել է այդ անվանակարգում:

«Ժողովուրդ» օրաթերթը ներկայացնում է մրցանակ ստացած երգիչներին:

Այսպիսով, տարվա երգ անվանակարգում հաղթել է Քենդրիք Լամարը, իր Not Like Us երգով: Տարվա ձայնագրություն անվանակարգում կրկին հաղթել է Քենդրիք Լամարը Նոյն երգով: Քենդրիքը նաեւ մրցանակ է ստացել լավագույն ռեփ ելույթի, տարվա ռեփ ստեղծագործության համար:

Լավագույն փոփ զուգերգում մրցանակ են ստացել Լեդի Գազան եւ Բրունո Մար-

տը, իրենց Die With a Smile երգով, որը կարճ ժամանակահատվածում դարձել է սիրված եւ ճանաչված:

Լավագույն լատինամերիկյան ալբոմ անվանակարգում, բնականաբար, հաղթող է ճանաչվել լեգենդար Շակիրան իր Las Mujeres Ya No Lloran երգով:

Այս տարի նոր արտիստների պակաս եւ չի եղել, եւ տարվա նոր արտիստ անվանակարգում հաղթող է ճանաչվել Chappell Roan-ը:

Լավագույն փոփ վոկալային ալբոմ անվանակարգում հաղթող է ճանաչվել եւ մրցանակ ստացել Սաբրինա Բարփենթերը Short n' Sweet երգով:

Դե էլ ինչ երաժշտական մրցանակաբաշխություն՝ առանց ռեփի: Լավագույն ռեփ ալբոմ անվանակարգում հաղթել է Doechii-ն Alligator Bites Never Heal ստեղծագործությունով:

Լավագույն փոփ սոլո ելույթի հաղթող է մրցանակակիր է դարձել Սաբրինա Բար-

փենթերը իր Espresso երգով, որն ի դեպ, լայն տարածում է ճանաչում է ստացել ամբողջ աշխարհում:

Շարունակելով ցանկը՝ պետք է առանձնացնել լավագույն պարային ալբոմ անվանակարգը, որի համար մրցանակ է ստացել Charli xcx-ը իր Brat կատարմամբ:

Լավագույն ռոք ելույթ անվանակարգին է արժանացել «Բիթլզ» խումբը Now and Then կատարմամբ: Մրցանակը եւս մեկ անգամ փաստում է այն մասին, որ խումբը մինչ օրս համարվում է լեգենդար:

Լավագույն պոփ-սոլո ալբոմ անվանակարգում հաղթել է St Vincent-ը, իսկ լավագույն քանթրի սոլո ելույթ անվանակարգում՝ Chris Stapleton-ը It Takes a Woman ստեղծագործության համար:

Էլ ինչ «Գրեմմի» առանց SZA: Սիրված երգչուհին հաղթել է Լավագույն R&B երգ անվանակարգում իր Saturn երգով:

ԱՆՆԱ ՄՐԱՊԻՆՅԱՆ

● Փետրվարի 15-ին՝ ժամը 19:00-ին, Երեւանի պետական կամերային թատրոնում կցուցադրվի «5+1 պատմություն սիրո մասին» ներկայացումը: Տոմսերի արժեքը՝ 3.000-8.000 դրամ:



**ԿԵՆՍԱԹՈՇԱԿՆԵՐ**

**ՀԱՐՑ. Կարո՞ղ է արդյո՞ք կենսաթուփը վճարվել լիազորագրով: Եվ ուզում եմ իմանալ, թե ինչ ժամկետում է վճարվում չվճարված կենսաթուփի գումարը:**

Արուսյակ Վարդանյան (46 տարեկան)



**ՊԱՏԱՍԽԱՆ.** Քաղաքացու հարցին ի պատասխան՝ տեղեկացնում ենք, որ կենսաթոշակը վճարվում է Հայաստանի Հանրապետությունում գործունեություն իրականացնող նոտարի վավերացրած լիազորագրով, ինչպես նաև Հայաստանի Հանրապետության հետ կենսաթոշակային ապահովության բնագավառում միջպետական համաձայնագիր կնքած պետություն մշտական բնակության մեկնող (մեկնած) անձի կենսաթոշակի գործն ուղարկելու դեպքում, նաև այդ պետությունում գործունեություն իրականացնող նոտարի վավերացրած լիազորագրով: Չվճարված կենսաթոշակի գումարը վճարվում է կենսաթոշակ վճարելու համար դիմելու ամսվան նախորդ մեկ տարվա այն ժամանակահատվածի համար, որի ընթացքում անձը կենսաթոշակ ստանալու իրավունք է ունեցել:

**ՀՀ աշխատանքի եւ սոցիալական հարցերի նախարարություն**

**«ԺՈՂՈՎՈՒՐԳ».** Տեղեկացնենք, որ աշխատանքային կենսաթոշակը վերահաշվարկվում է, եթե կենսաթոշակառուն ներակայացրել է տարիքային կամ հաշմանդամության կենսաթոշակ նշանակելուց (վերահաշվարկելուց) հետո առնվազն վեց ամիս աշխատած լինելու մասին տեղեկանք օրացուցային տարվա ընթացքում մեկ անգամ:

**ԿԱՐԳ**

**ՀԱՐՑ. Եթե գործուղման դեղին գիշերավարձի գումարը փաստաթղթով հիմնավորված չէ, առաջալայ գումարը ենթակա՞ է նվազեցման գործուղման մեկնած ֆիզիկական անձի համախառն եկամտից:**

Լիանա Գարրիելյան (33 տարեկան)



**ՊԱՏԱՍԽԱՆ.** Հայտնում ենք, որ «Եկամտահարկի մասին» Հայաստանի Հանրապետության օրենքի 9-րդ հոդվածի «բ» կետի եւ 16 ապրիլի 2001թ. N 02/456 հրամանի 12.2.-ի համաձայն՝ փոխհատուցման վճարներ են համարվում աշխատանքային պարտականությունները կատարելու համար գործատուների կողմից իրենց աշխատողներին Հայաստանի Հանրապետության օրենսդրությամբ սահմանված դեպքերում եւ չափերով տրվող փոխհատուցումները, մասնավորապես՝ գործուղման վճարները:

Համախառն եկամտից նվազեցվում են ՀՀ տարածքում եւ ԼՂՀ գործուղվելու դեպքում ոչ պետական եւ ոչ համայնքային բյուջեներից ֆինանսավորվող գործուղումների համար ՀՀ կառավարության 29.12. 2005 թվականի N 2335-Ն որոշմամբ սահմանված գիշերավարձի եւ ճանապարհածախսի նվազագույն չափերը չզերազանցող գումարների սահմաններում գիշերավարձի գումարները՝ անկախ փաստաթղթերով հիմնավորված լինելու հանգամանքից, իսկ այդ չափերը գերազանցող գիշերավարձի եւ ճանապարհածախսի գումարները՝ միայն փաստաթղթերով հիմնավորված լինելու դեպքում:

ՀՀ ՊԵԿ

**«ԺՈՂՈՎՈՒՐԳ».** Նշենք, որ օտարերկրյա գործուղումների դեպքում գիշերավարձի փաստաթղթերով չհիմնավորված ծախսերը փոխհատուցվում են նշված որոշմամբ տվյալ երկրի համար սահմանված գիշերավարձի նվազագույն նորմայի 70% սահմաններում:

**ԼՈՒՐ ԿԱՐԴ**

Լուսանկարը՝ համացանցից



Համահայկական ձմեռային երկրորդ խաղերի շրջանակներում մեկնարկեց հոկեյի մրցաշարը, որն անցկացվում է մայրաքաղաք Երևանում: Հոկեյի մրցաշարն անցկացվում է շրջանաձև մրցակարգով, որին մասնակցում են 4 թիմեր՝ Վոլգոգրադից, Մոսկվայից, Դոնի Նախիչեյանից ու Երևանից:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայկուստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**

**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	-15 - 20 -2 + 2	Արարատ	0 - 5 +2 + 4
Կոտայքի լեռներ	-10 - 15 -2 + 2	Արմավիր	-2 - 5 +2 + 4
Կոտայքի նախալեռներ	-4 - 9 0 + 3	Վայոց ձորի լեռներ	-6 - 9 +2 + 4
Գեղարքունիք	-8 - 11 -2 + 1	Վայոց ձորի նախալեռներ	-1 + 2 +2 + 5
Լոռի	-4 - 8 +7 + 10	Սյունիքի հովիտներ	0 + 3 +8 + 10
Տավուշ	0 - 2 +3 + 6	Սյունիքի նախալեռներ	0 + 3 +7 + 10
Արագածոտնի լեռներ	-15 - 18 -2 + 2	ԼՂՀ	-2 - 6 +8 + 10
Արագածոտնի նախալեռներ	-5 - 9 -2 + 2	Երեւան	-1 - 3 0 + 2

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երևան, Արշակունյաց 2, հեռ.՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 3.2.2025  
Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: